

午1
9<2

兼症療法
夾症療法
復症療法
遺症療法

辨似要義
婦人溫熱
小兒溫熱

重訂廣濕熱論

一寒居士
署



兼風
風溫

七

論溫熱兼症療法

有八

風寒暑濕燥毒瘧痢

溫熱伏邪也。凡言兼者伏邪兼他邪。二邪兼發者也。治法以伏邪爲重。他邪爲輕。故略治他邪而新病即解。約而計之。大約有八。

其一兼風病名風溫。初起一二日見症與伏邪略同。惟鼻塞鼻鳴咳嗽。清涕與伏邪異。脈亦多浮而與伏邪之不浮不沉而數者亦異。治法惟葛根葱白湯最合。勢重者防風解毒湯。荷杏石甘湯。繆氏竹葉石膏湯。選用。勢輕者桔梗湯。加味梔鼓湯。選用。咳加前胡杏仁蘇子。痰多加栝蒌川貝竺黃之類。大抵伏邪兼寒能令病勢增重。兼風反令病勢易解。以寒主凝澀則伏邪內鬱鬱一分病勢增固一分。風主游揚則伏邪外疎疎一分病勢解散一分。雖然溫熱屬伏火一兼風

邪風助火勢。火假風威。病勢最急。尤宜速治。稍緩則津枯液涸。痙厥兼臻。醫家病家不可不預防也。

其二兼寒病名冷溫。初起一二日。必有頭痛發熱。身痛惡寒。諸表症與傷寒頗同。而以脈辨則不同。伏邪多軟數而不浮。兼寒則多浮數。浮弦浮大。甚至有浮緊者。再以症辨亦多不同。伏邪多汗。兼寒則無汗。但受寒者無煩躁。口苦口臭症。伏邪兼寒必有煩躁。口苦口臭症也。一遇此等更當辨其受寒與伏邪。孰輕孰重。熱重寒輕者煩躁口臭症多。無汗惡寒必少。則當以荷杏石甘湯。葱鼓白虎湯。梔鼓芩葛湯選用。或六神通解散尤捷。寒重於熱者惡寒無汗必甚。煩躁必輕。則宜用蘇羌飲。葱鼓加葛根湯等。先散其外束之新寒。若在冬令。

兼暑

暑濕
暑熱

寒束於外。既無汗。惡寒。邪鬱於內。復見煩躁者。麻杏石甘湯。亦可正用。若挾寒濕。九味羌活湯。去生地。最爲的當。此症若治寒遺熱。必有斑黃狂。衄之變。治熱遺寒。復有嘔利痞脈之憂。馴至沉困。不可不知。然此皆爲初起。一、二日言之也。若日久。則伏邪勃發。表寒不能自存。而爲熱。則惟以治伏邪之法。治之而已。

其三兼暑病。名暑溫。一名暑熱。初起一、二日。身大熱。背微惡寒。與傷寒略同。但傷寒先惡寒。而後發熱。雖熱甚。亦週身惡寒。暑溫則先發大熱。熱極而後背惡寒。繼則但熱無寒。口大渴。汗大出。且必有面垢。齒燥。心煩。懊懣。便閉。溺澀。或瀉不爽等兼症。脈則右洪數。左脈反小。甚則脈深熱深。手足逆冷。脈滑而厥。治法宜察病勢。輕者但先輕。

肝內動肢痙
熄凡清大涼血
透絡

宣上焦。如桔梗湯。加苦杏仁、青蒿露、或五葉蘆根湯。加西瓜翠衣、銀花露之類。勢重者。必肅清上中二焦。如荷杏石甘湯。竹葉石膏湯之類。甚則三黃石膏湯。去麻黃。加薄荷、青蒿。若熱深肢厥。神識昏迷者。熱厥也。卽熱氣閉塞。空竅所致。必須辛涼重劑。兼芳香開竅。如白虎湯。加鮮竹葉、童桑枝、瓜霜紫雪丹之類。挾痰者。加竹瀝、竺黃、石菖蒲、川貝、白薇、新定牛黃清心丸。犀珀至寶丹等選用。若肝風內動。手足發痙。必須熄風清火。涼血透絡。如犀羚白虎湯。重加桑葉、丹皮、菊花、鈎藤、童便等之類。若熱盛燦肺絡傷咯血者。必須涼血降火。肅清絡熱。如白虎湯。重加鮮竹茹、鮮茅根、童便等之類。血再不止。加鮮生地、犀角汁。若熱盛傷氣。脈大而芤者。必須清熱扶氣。白虎加入參湯主

兼濕
燥兼
溫五
燥
濕

之若喘喝欲脫汗多脈散者必須斂津益氣千金生脈散主之惟其
 間挾酒濕食滯肌熱無汗胸膈痞滿者最忌白虎法清涼寒潤必須
 苦辛開泄小陷胸加枳實合瀉心法最效間有表見身痛宜參用香
 茹秦艽裏見腹滿宜參用蒼朮厚樸者正不必以寒涼逆折其邪也
 雖然伏邪兼風兼寒四時皆有至若兼暑一症惟長夏有之故溫熱
 症總以風溫冷溫為最多
 其四兼濕病名濕溫一名濕熱其五兼燥病名溫燥一名燥熱其實
 即濕火燥火症也已詳前溫熱即是伏火篇茲不贅惟戴氏原論謂
 伏邪多汗兼暑更多汗則表必虛故發表之味不可妄用至濕熱最
 宜分利燥脾木通為上滑石次之猪苓赤苓澤瀉又次之蓋分利則

重訂廣益熱論
兼暑濕燥
三十八

濕

兼毒六

濕毒時毒

風毒

濕與熱皆從清道出邪有去路此論真足啟迪後學也
 其六兼毒病名溫毒一名熱毒通稱時毒有風毒穢毒之別風毒者
 即風溫時毒也症勢較各種溫熱症為尤重治法當分三種一溫毒
 痲腮及發頤初起咽痛喉腫耳前後腫頰腫面正赤或喉不痛但外
 腫甚則耳聾口噤難開俗名大頭瘟蝦蟆瘟者是也加減普濟消毒
 飲主之或用代賑普濟散一日五六服或咽下或含漱最效荆防敗
 毒散加金汁亦妙外腫處貼水仙膏貼後若皮間有小黃瘡如黍米
 者不可再敷水仙膏過敷則痛甚而爛須易三黃二香散敷之若熱
 毒熾盛神昏譫語者必須清涼解毒芳香宣竅如伍氏涼血解毒湯
 費氏清火解毒湯之類加瓜霜紫雪丹主之若熱結便閉神昏極厥

者。必須大劑涼瀉。拔萃犀角地黃湯。加金汁。元明粉。主之。下後。可用
竹葉地黃湯。涼血救液。總之。此症。凡用疎散。須防化燥。必佐苦寒甘
涼。以清火救津也。凡用清涼。須防水伏。必佐活血疎暢。恐凝滯氣血
也。二溫毒發斑。不因失汗失下。一起脈浮沉俱盛。壯熱煩躁。起臥不
安。外或頭面紅腫。咽喉腫痛。吐膿血。面赤如錦紋。身痛如被杖。內則
煩悶。嘔逆。腹痛。狂亂。躁渴。或狂言下利。如是而發斑者。點如豆大。而
圓色。必紫黑。而顯胸背腰腹。俱稠毒氣。瀰漫營衛。三焦壅閉。燔灼氣
血。斯時。而任白虎之化斑。犀角大青之解毒。邪毒得涼而愈。鬱反致
不救。惟下之。則內壅一通。邪氣因有出路。斑毒亦從而外解矣。治法
惟紫草承氣湯。拔萃犀角地黃湯。二方合用。加金汁。皂角刺。最效。病

勢極重者。症必渾身發臭。不省人事。口開吹氣。舌現黑苔。黑瓣底。必須用十全苦寒救補湯。生石膏加重四倍。循環急灌。一日夜連投多劑。病人陸續瀉出極臭之紅黑糞。次日舌中黑瓣漸退。始漸輕減。若下後斑不透。犀角大青湯已透熱不退。本湯去升麻黃芩。加西洋參鮮生地銀胡地骨皮清潤之。發斑已盡外熱已退。內實不大便。間有譏語。祇須雪羹調葉氏神犀丹。以清泄之。至其辨法。發斑紅赤者爲胃熱。紫爲胃傷。黑爲胃爛也。大抵鮮紅起發者吉。雖大不妨稠密。成片紫色者半死。半生雜色青紫者十死。不一生矣。惟斑色紫者雖爲危候。黃連解毒合犀角地黃湯連投數劑。亦可十中救二三。若斑黑色而下陷者必死。三溫尋喉痧俗稱爛喉痧。多發於春冬之際。不分

老幼。遍相傳染。發則始必惡寒。後但壯熱。煩渴。斑密肌紅。宛如錦紋。咽喉疼痛。腫爛。或紅腫而痛。或但痛不腫不紅。甚則白腐。喉爛微者。飲食如常。甚則胸痞。咽阻不能食。脈形弦數。或濡數。或沉數。或沉弦不數。或右寸獨大。或兩寸並沉。或左部兼緊。惟痧有一見即化者。有透後始化者。其症雖一團火熱。內熾而表分多風邪外束。醫家見其火熱甚也。率投以犀羚芩連梔柏膏知之類。寒涼強遏。輒至隱伏昏閉。或喉爛廢食。延挨不治。或便瀉內陷。轉眼凶危。治法初起時急進解肌散表。使溫毒外達。如劉氏桔梗湯。去黃芩。加紫草。丹皮。栝蒌皮。川貝母之類。或加減普濟消毒飲。去板藍根。加紫花地丁。野菊葉。大青。葦莖之類。若蟬衣。葛根。皂角刺。三味。痧點隱約不透者。可暫用以

透。達。見。痧。點。後。切。不。可。用。如。冬。天。寒。甚。痧。毒。因。外。寒。束。縛。而。不。得。透。出。者。暫。加。蜜。炙。麻。黃。少。則。三。分。多。至。五。分。但。取。輕。揚。之。性。以。達。毛。竅。往。往。一。劑。立。見。見。後。切。勿。再。用。且。喉。痧。未。有。無。痰。涎。者。方。中。必。加。生。蘿。蔔。四。兩。鮮。青。菓。四。枚。煎。湯。代。水。其。次。即。當。下。奪。燎。原。之。勢。非。杯。水。所。能。滅。所。以。僅。施。清。滋。不。爲。功。下。藥。首。推。風。化。硝。生。錦。紋。其。次。青。瀉。葉。郁。李。淨。仁。又。次。淡。海。螫。生。蘿。蔔。其。方。如。陳。氏。四。虎。飲。拔。萃。犀。角。地。黃。湯。加。元。明。粉。金。汁。之。類。最。效。其。用。下。之。法。略。如。吳。又。可。治。疫。之。意。必。大。便。行。過。數。次。脈。靜。身。涼。苔。轉。薄。白。飲。食。漸。復。然。後。內。無。留。邪。火。不。復。熾。矣。然。此。爲。病。勢。最。重。者。言。之。若。進。解。肌。散。表。後。表。邪。已。解。火。熾。已。盛。痧。透。脈。弦。喉。爛。舌。絳。口。渴。神。煩。二。便。尙。通。者。祇。須。重。用。清。化。

如陳氏奪命飲。犀羚二鮮湯之類足矣。清洩餘火。喻氏清燥救肺湯。陳氏清肺飲。曹氏桑丹瀉白散。三方加減善後調理。或養胃陰。如葉氏養胃湯之類。或和胃氣。如金匱麥門冬湯之類。或清養肺液。如耐修子養陰清肺湯之類。或滋腎涼肝。如桑麻六味湯之類。對症酌用可也。其間外治之法。亦足補方藥之不逮。今擇外治十要。以補其缺。一要備撐嘴鉗。凡牙關緊閉之時。若用金鐵之器硬撐其口。必傷其齒。用烏梅冰片搽擦不開者。則必用撐嘴鉗。緩緩撐開其口。牙環寬而齒不受傷。最爲靈妙。二要備壓舌片。凡看喉之際。將舌壓住。則喉關內容之形色。一目了然。三要備杏仁核彎刀。凡杏仁核腫大。勢必漲塞喉關。藥食難下。必用彎刀於杏仁核上。放出膿血。則喉關寬而

藥食可下。且無誤傷。帝丁之弊。較中國喉鎗喉刀。尤爲便利。四要備。照喉鏡。察看喉關之內容。能隱微畢顯。以補助目力。所不及。五要備。皮膚針。以便射入血清。急解喉痧之毒。微生物奏功最捷。此名血清療法。據上海工部局報告。凡治喉痧初起。歷試輒驗。六要提。泡以洩毒。用異功散。（蟻螫四錢。去翅足糯米炒黃。去米不用。血竭沒藥乳香全蝎元參各六分。麝香冰片各三分。共研細末。）如蠶豎大放膏藥上貼。患處喉外兩傍。一週時起泡。夏日貼二三時。即能起泡。不必久貼。起泡後速即挑破。擠出黃水。倘紫色或深黃色。宜用藥貼於泡之左右。仍照前挑看。以出淡黃水爲度。再用大蒜頭搗爛。如蠶豎大敷經渠穴。（在大指手腕處寸口動脈陷中。）男左女右。用蜆殼蓋。

上紮住數時起炮挑破揩乾以去毒氣七要漱喉以去毒涎取鮮土
牛膝根葉搗汁一碗重湯燉溫不時漱喉漱畢即低頭流去毒涎再
漱再流須耐心十餘次毒涎方淨此品爲治喉聖藥善能消腫散血
止痛化痰無論何種喉症用之皆效以其能去風痰毒涎也凡喉症
以去風痰毒涎爲第一要義倘紅腫白腐用紫金錠三錢熱水沖化
俟冷含漱患處吐出再含再漱此法不獨能去喉腐且能導吐風痰
八要吹鼻以通氣吐痰凡喉痧肺氣無不窒塞首用吹鼻一字散
猪牙皂七錢雄黃二錢生研藜蘆末一錢蝎尾七枚共爲細末吹
少許入鼻孔卽噴嚏出而吐毒痰若鼻塞喉閉必用喉閉塞鼻棗
蟾酥七分細辛四分辰砂三分麝香二分五釐冰片二分五釐猪牙

皂四分半夏三分辛夷四分巴豆四分去油牛黃二分雄黃四分研極細末用紅棗切破一頭去核將藥少許納入棗內用線紮封棗口（左痛塞右鼻右痛塞左鼻若小孩鼻小棗不能塞或用棉化包藥紮塞亦可但不能令藥靠肉以免腫爛之患若喉閉勢重者用兩棗將兩鼻齊塞治喉痧喉閉氣息不通命在垂危者有起死回生之功較之用臥龍丹紫金丹開關各法不能得嚏百無一生者不若此棗一塞痰氣漸鬆人事轉醒洵多神效也九要吹喉以解毒去腐退炎止痛首用爛喉去腐藥（用杜牛膝根葉汁之晒乾淨末一兩蘇薄荷末五分浣花青黛五分梅花冰片三分共研勻磁瓶密藏不可洩氣受潮如潮但可晒乾再研不可火烘）以流去毒涎接吹錫類散

（象牙屑焙珍珠粉各三分飛青黛六分梅花冰片三釐壁蟾窠二十枚牆上者佳西牛黃人指甲焙男病用女女病用男分別配合各五釐將各焙黃之藥置地上出火氣研極細粉密裝於磁瓶內勿使洩氣專治爛喉時症及乳蛾牙疳口舌腐爛凡屬外淫爲患諸藥不效者吹入患處瀕死可活）以去腐止爛末用珠黃散（珍珠粉六分西牛黃三分京川貝煨龍骨各四分煨青菓核三枚共研細末磁瓶密藏）以清餘毒而生肌十要刮後頸以散毒於頸窩處搽真薄荷油少許用錢一文如刮痧樣往下順刮須千餘刮顯出塊點用磁片鋒刺破卽以蟬口吮出惡血無蟬時則用小吸氣筒以吸出之散毒最效此治喉痧喉痺及各種風火喉症之第一妙法也至若所謂

穢毒者。卽濕溫時毒也。一名濕溫挾穢。又名濕穢。凡夏秋間。俗稱痧氣。痧穢者。多屬此症。初起惡寒。繼則純熱。頭重脹痛。胸脘痞滿。惡心欲嘔。腹痛悶亂。膚熱自汗。肌肉煩疼。四肢倦怠。右脈濡滯。舌白或黃。治法雖均宜。芳香化濁。如藿香正氣散。加減然。當辨其偏於熱重者。必兼舌苔黃膩。心煩口渴。宜用枳桔梔豉合小陷胸湯。加青蒿滑石。偏於濕重者。必兼舌苔白膩。口粘不渴。宜用藿樸二陳湯。加佩蘭葉。蒼朮白檀香白蔻末之類。如膚發黃。荳或如疔瘡塊癢而麻木者。此濕毒從皮膚排泄也。前方加杜赤小豆土茯苓連翹皂角刺透發之。輕則但發白瘡如水晶色。前方合千金葦莖湯。輕宣之。如濕毒阻滯。筋肉一身盡痛者。前方加羌活防風桂枝秦艽疎通絡脈。以發散之。